

東越文苑

增訂東越文苑序

何君道甫閩之君子也家多秘書故博學能文癸巳歲青郎弟有烏石山志之役道甫罄所藏閩人詩文集備收藝文並出刊本陳鳴鶴東越文苑俾鈔傳焉查徐氏晉安風雅載陳汝翔懷安庠生懷安未省時隸侯官故亦稱侯官汝翔與林惟介林初文友善二公家多藏書故汝翔得稽宋元以來秘本撰集是書於吾閩文獻搜羅畧備惜國朝鄭荔鄉輯全閩詩話時未見此本汝翔所著有泡菴詩選及晉安逸志二書俱見朱竹垞日

下舊聞又著閩中考一卷見陳薦夫水明樓集中此本
既渺傳郡志且未載適重收省志因列入志中復與青
郎弟檢閱諸書畧爲增訂且謀鋟梓因記其大概如此
道光己亥六月郭柏蔚書於光澤碧山堂

東越文苑序

東越文苑六卷閩人陳汝翔著也遡唐而五代而宋元迄我明得五百四十一人唐五代一之宋元五之明四之指不可勝屈矣凡此若而人或散逸它史或隱匿無聞汝翔蒐羅採輯纂成是書由神龍迨隆萬上下千載而東越之琛咸盡於此猗與豈不休哉東越自無諸建邦以來鳥言蟲食人文草昧周秦漢魏而上寧無一二崛起者乎徒以聲名物采未獲齒於上國故紀載無傳英奇腐於巖穴藻績槁於黃壤良足悲夫微汝翔纂述

恐由唐至今文苑之士名與白骨共朽者半矣是五百
餘人皆閩之珊瑚夜光也賴汝翔而聲施後世抑何幸
與唐世尙風雅風雅及五季而靡宋世尙理學理學及
勝國而靡元人雖欲以風雅易理學然纖弱婉媚亡當
於作者其丰神不能什一唐與五季矣爰及明興猶憎
其眼林鴻輩十子出而後正始之音復振鄭繼之狎主
夏盟中原諸人莫敢相期東越無論五代宋元卽唐之
數子並驅爭先未知牛耳竟入誰手其在今日久而愈
盛若椒聊瓜瓞然祖十子而禰鄭君安可忘所自耶國

朝重制舉茂雕龍競一時之榮忽千秋之業公車之外
弓旌纁璧不下於山澤間有姓名登薦牘者往往望塵
掃門得之適爲志士捧腹汝翔學博而用之約才豐而
出之儉飭古精覈足稱良吏然迹不涉公府名不出里
巷耳食皮相之夫烏知其爲獨行君子哉著書數十萬
言惟張叔弢刻其長樂志趙仁甫刻其文苑其它將俟
後世子雲林公克武來理吳郡與汝翔桑梓又膠漆也
欲致之郡齋不得屬穉登序文苑曰吾藉若言分仁甫
之義耳穉登亦善汝翔不敢謝少文嗟乎俾汝翔者朝

趨朱門夕謁黃閣名可不脛走矣穉登既序之且欲東
越人義高不獨文苑盛尤能重布衣也萬厯丁未五月
夏至日太原王穉登序并書

東越文苑序

易曰觀乎人文以化成天下夫天下化成莫大之業而文明之止實始基之文之攸繫顧不重歟惟茲東越巨浸窺天層巒亘漢靈淑之氣會萃于人和順積而英華發文藻蔚如踵接肩比後先焜耀光照寰區友人陳汝翔氏詳考而備書之自唐以及五代得人五十由宋迄元得人三百八十有五我明得人百有六而後死者不與焉書成予爲編訂而稍附益之號曰東越文苑洵吾土之藻林藝圃之良的矣惟予竊有慨焉夫周末文勝

孔子蓋傷之而史野之論先進之從豈聖人樂於言哉
誠懼文勝之流而滅其質也東越自隆萬以來才儁豪
英項背相望若賈馬班揚之撰述漢魏晉唐之詩章鍾
王褚歐之書法靡弗兼總精詣令人耳而目之咸如標
綺錯繡立黃互施眸眈而心醉蓋文之盛極矣邇來稍
可異者公車之業右淫豔而薄雅馴篤古之英尙浮誇
而尠實際閭井之俗貴耳目而賤身心驚詭奇而輕樸
茂倡一和百爭相誇詡猥謂文在茲乎庸詎知其流於
靡而畔於道則斯文之蝨賊已矣力挽而返之滄庸匪

吾儕之上務乎噫嘻猶幸有先哲之典刑在也萬厯丁未仲春朔旦前進士三山趙世顯撰

東越文苑目錄

卷之一唐列傳

薛令之

林藻

歐陽詹

附林簡言

邵楚萇

陳通方

附陳彥博李滂

陳詡

許稷

周匡物

歐陽衮

附二子琳玘

王魯復

林滋

附鄭誠詹雄連總倪曙張瑩薛承裕王榮陳蜀林衮陳鏞

陳煨

盛均

林嵩

黃岳

黃璞

黃滔

鄭良士

附陳乘

沈崧

徐寅

翁承贊

林謂

王肱

陳黯

韓偓

周朴

卷之二五代列傳

林鼎

附余

江文蔚

陳貺

江爲

陳致雍

鍾謨

陳陶

卷之三宋列傳上

朱熹

附林之奇胡安國胡寅胡宏劉子翬陳淵何鎬陳孔碩林用中林夔孫林學蒙蔡元定劉燾真德秀

陳淳廖德明陳宓劉剛中楊揖孫訓張泳

余偶

程若中

劉砥

江默

祝穆

王遇

蘇思恭

李鑑

林槩

張弼

梁克家

附葉庭珪

熊克

鄭樵

林駟

附黃履翁

郭緒

林光

黃鐘

余嘉

王士奇

高頤

附子伯璠

吳棫

林公遇

書隱先生

葉子儀

附陳祥道李琪黃邦俊林希逸陳藻陳賜

陳思謙

蔡蒙叟

楊徽之

潘慎修

李虛己

余咸熙

鄭褒

錢熙

鄭文寶

黃鑑

黃亢

黃宗旦

附李慶孫

陳絳

子動之

王言徹

郭咸

林陶

陳襲

附鄭穆

周希孟

陳烈

崔唐臣

王回

弟同

王向

蔡襄

柳永

謝伯景

女弟希孟

王伯起

熊知至

張伯玉

吳育

石亘

附謝履

羅崎

鄧甯

上官均

廖正一

熊蕃

劉煥子達夫

劉爨

陳瓘

廖天覺

何去非

附葉常姚易

吳駿

楊蟠

曹輔

子綸

章望之

王獻臣

謝文龍

徐大正

江滋

林迪

練定

李規附何述

廖嶢

楊喚

周固

吳激

鄧春卿

張豸

翁彥約

翁挺

張翬

李綱

江常

鄧肅

儲惇叙

王顯世

陳權

吳致堯

邵景之

卷之四宋列傳下

李彌遜

鄭昌齡

黃祖舜

高登

鄧祚

附余良弼

詹慥

楊公度

李安期

陳知柔

陳元老

徐詡

吳岡

陳俊卿

黃公度

林外

高曇

附林湜
薛舜俞

吳獬

陳讜

蔣黼

彭止

黃洽

鄭昭先

林亦之

莊夏

方秉白

弟秉俟

袁樞

陳居仁

林彖

陳德豫

楊炳

陳成父

留正

黃皆

敖陶孫

黃定

顏棫

鄧林

附陳震

黃銖

柯夢得

徐鳳

詹師文

方信孺

留元剛

陳洽

林仲虎

劉用行

李仲光

附哀長吉

黃學行

劉克莊

潘枋

翁甫

翁合

方惟深

洪天錫

何伸

子謙

李丑父

李元白

方醇道

子畢

陳英

黃館

張安脩

林文之

余發林

余韶

陳經

梁藻

歐陽凱

許衍

李琬

林仲嘉

許拱辰卓立陳寬黃銳黃
諤陳革鄭東起林允中

嚴羽

曾逢震

童成大

趙必漣

趙若櫟

李權

方澄孫

黃仲元

黃淼

趙若

謝翺

劉昌言

廖執象

楊億

蔡伯侏

黃鼈

鄭伯玉

黃伯思

翁邁

徐師仁

宋翔

莊大成

劉季裴

附姚羸

劉褒

陳舜申

子德一

三百六十五字

熊節

鄭君老

廖衡

阮逸

徐復

蘇頌

劉詵

劉濤

林搏

鄭所南

蘇隨

黃希旦

僧無求

陳易

馮觀國

白玉蟾

眈章

無住道人

傅自得

趙庚夫

趙必昇

張德

卷之五元列傳

陳普

附陳自新

毛直方

林全

弟合

郭墮

王都中

韓信同

雷機

楊載

黃鎖成

林泉生

吳鑒

黃清老

林廣發

陳旅

彭炳

林清

吳海

陳信惠

杜本

卷之六明列傳

張以寧

林元凱

林鴻

唐泰

高棟

王恭

王褒

王傅

陳亮

鄧定

周立

黃立

鄧定

附陳輝趙迪
鄭迪林敏

鄭居貞

楊榮

藍仁

弟智

林興祖

吳源

林士敏

方槐生

郭完

林廷綱

伍衡

黃麟

陳亦言

附陳璫

劉嵩

沈得衛

附伍清源

林枝

林紹

附陳仲完洪順馬鐸李騏陳中

羅泰

林誌

鄭閻

林文秩

弟文結

鄭珞

雷境

蘓鉦

附蔣易楊誠杜琮

潘賜

附黃仲芳鄭賜雷填

王源

陳旺

花潤生

上官祐

林環

黃壽生

黃約仲

楊慈

陳中

朱鐸

陳道曾

林文

詹滌

龔道

陳覺

柯潛

彭韶 附林俊

許天錫

陳焯

鄭善夫

傅汝舟

附高穀

林春澤

附郭波
林鉞

黃輦

柯維騏

林世璧

陳言

林熾

林懋和

郭文涓

王慎中

林鳳儀

謝杰

林兆恩

袁表

陳椿

徐燿

陳登

陳廉

附林焯潘積
中王建中

章志宗

釋獨芳

附惠顓法
闡正淳至

剛古
鑑

東越文苑卷之一

明侯官陳鳴鶴

致翔輯

閩縣趙世顯仁甫訂正

邑後學郭柏蔚增訂

韓愈稱曰閩越之人舉進士由歐陽詹始余讀詹文邁絕獨詣聞之摘翰者至今皆慕其聲引以爲名不虛也然神龍中有薛令之由進士爲太子侍讀與詹同時有林藻先詹一年舉進士皆能文章不下詹而其名皆不聞蓋愈亦曰閩越有長材秀民通文書與上國齒則閩

固多才長遠矣而名皆不聞以此益知閭巷之人非附青雲之士惡能聲稱後世哉夫薛令之林藻皆以進士起家狗役四方由斯以立名字如順風而呼至易易也猶然無以自見況伏於巖穴生平無杵臼之交者乎其與草木同朽者豈可以指屈哉故歐陽詹雖善文不遇韓愈李翱不過閩中一男子死爲坏土耳嗚乎夫士也窮年覃思而終與骨同閉蓬顆豈不痛哉余自令之而下得三百餘人作凡例而傳之諸後死者不與焉余觀後死者基列皆藻其詞炳如也而後知余所遺者又不

可以指屈矣則余之罪也夫余之罪也夫凡例七章傳六卷列之左方

是編也甯惟詞藻是錄蓋亦稽厥行焉爽德而操撓則狐語耳此乃文士之羞也吾弗錄

傳以文苑名則惟資綺譚者傳之耳閎闊庸烈則略有本傳在也

夫文者所以宣六經之旨究性命之奧者也宋自朱文公諸儒倡道閩中其著述彬彬盛矣然六經傳疏具在閩學淵源以故不論論其有雜著者冠之宋文士之首

自爲一編

著書與絺之篇翰異業也然皆以學顯於當世則皆錄錄頗以類

制舉藝固文也然三年一舉士士九十錄之賢書顧不得千之一耳此其可以旣乎

二氏者流不以文字障其靈明然不能不度眾生故間有著書有說偈語叶聲調者義得並收以次於文士

客問者非閩人不錄因而占著焉義不得獨外安石榴葡萄苜蓿產於西域今固不可謂非閩之毛也類而附

之編末

唐東越文苑列傳第一

薛令之字珍君福安人神龍初舉進士至玄宗世爲左補闕兼太子侍讀令之久宦不遂奉秩不足以給食乃題詩於壁曰朝旭上團團照見先生盤盤中何所有昔藉長欄干飯澁匙難縮羹稀飭易寬只可謀朝夕何由度歲寒天子幸東宮見其詩不說也乃續之曰啄木嘴距長鳳凰羽毛短若嫌松桂寒任逐桑榆煖令之遂病免久之上聞其貧甚心憐之勅福安令資其歲賦令之

重違上意不得已受數錢不敢以無功當天子之賜初肅宗爲太子時愛幸令之有異才可用及卽位召欲以爲大臣而令之已卒家赤貧於是上愈益嘆其廉勅命其鄉曰廉村其溪曰廉溪以旌之焉

蔚按閩書珍君著有明月先生集

林藻字緯乾莆田人曾祖元太瀛州刺史祖萬寵饒陽太守父披檢校太子詹事披九子皆爲刺史司馬世號九牧林氏藻於諸子中最善詞賦有聲貞元七年省賜進士賦題曰合浦還珠藻草藁定而假寐恍惚有謂之者曰何不敘珠去來藻悟遂足之曰珠之去也山無色

兮氛霧冥冥海無光兮空水浩浩珠之來也山有媚兮

蔚按莆田縣志作川有媚兮

祥風習習地有潤兮生物振振賦奏杜

黃裳讀之請見藻謂曰敘珠去來豈有神助耶遂登第

官至殿中侍御史

蔚按唐書藝文志載藻有集一卷通志藻有集二卷

歐陽詹字行周晉江人詹爲兒與羣兒踴踴無所偶顧

遇佳勝處心獨娛或暮而忘返宵不能釋詹十餘歲尙

未學每從長老而問章句當其意輒自得移日長吟高

嘯不知其止也於是鄉長老皆賀其父曰君有家寶詹

旣長乃善屬詞名稱崛起建中初故宰相常袞爲福建

觀察使詹遂以文幸於衮衮尊寵之於諸生無兩號詹
曰芝英也於是詹名稱愈益興聞於天下貞元八年丞
相陸贄知貢舉詹乃與韓愈李觀同舉進士登第此三
人者其游如投膠相與爲引重詹爲四門助教久之不
遷未幾竟卒有文集十卷韓愈哀之曰詹事父母盡孝
道仁於妻子於朋友義以誠氣醇以方容貌疑疑然其
燕私善謔以和其文章切深喜往復善自道讀其書知
其於慈孝最隆也與詹同時有林簡言福清人慕韓文
公之爲人上書自通所著有漢武封禪論見唐文粹他

文逸不傳

邵楚萇字待倫閩縣人貞元中及第爲校書郎楚萇雅有詩名每賦一篇草藁甫就輒已臚傳士大夫矣楚萇嘗賦長歌題馬侍中亭字言其壯麗侍中恐以此得罪遽毀其亭也蔚按閩書馬侍中名燧

陳通方閩縣人博學工文辭然性多易沾沾自喜貞元中試進士擢通方第四當是之時長慶宰相王播年五十餘與通方同舉進士通方年少心珥之戲拊其背曰王老王老奉贈一第後播入相通方方困躓不達遂因

播仕宦久之終無所進猶尙以前過也通方邑人陳彥

博者元和中及第李滂者開成中及第皆長於詩與通

方齊名

蔚按陳通方有詩一卷陳彥博字朝美李滂字注善俱有詩文

陳詡字載物侯官人

蔚按通志作閩縣人

貞元中舉進士及第先

是上以涇原兵亂車駕播遷興元初始還長安至是西

掖有柳焉春瘁而秋榮詡乃獻瑞柳賦以寓意其詞曰

柳變西掖瑞彰聖時感巡遊之未至失榮落於先期雨

露所均常比中園之鬱鬱宮闈暫閉若無春日之遲遲

所以望車塵之行幸慰都人之怨思物若有憑神固難

宰生植不易地而孤影忽同秋而異色豈上天之降鑒
俾下民之是則於以激忠臣之心於以彰大君之德初
斯柳之失常人未知其爲祥秦原之烟景明媚漢苑之
●草樹芬香獨孤彫而槁瘁似永隔於風光無絮花之似
雪意膏露之凝霜及夫天迴舊步未得其性千官捧日
以輸忠萬騎從龍而翊聖彼眾芳之已歇我得秋而始
盛豈固異於常材實願貞乎景命偉夫瑞發匪遙成天
意之孔昭德惟可覽結人心之幽怨不然柳且無情曷
枯而生其枯也當烟景之晦其生也表氛沴之情與時

不偶叶聖斯呈政或可持疾風始知乎草勁節無所立
歲寒徒稱乎栢貞宜其俯鳳池而濯潤接雞樹以連榮
儒有因物比興屬詞揣稱聞瑞柳於春宮遂掄揚於天
應賦奏上覽之大說詡以此名聲籍甚三府交辟之詡
官終戶部副郎知制誥有詩十卷列唐書藝文志今軼
不傳

許稷者字君苗莆田人稷旣學因挾策入關久之無所
遇大困閩諸儒生之在關中者棄不收稷稷慙而自傷
乃入終南山中發書伏而讀之三年乃出遂登進士是

時貞元八年也

蔚按莆風清籟集作十八年

稷於是以詩歌著偽聲

仕爲衡州刺史

蔚按蘭陔詩話君苗挾策入關遇陳載物歐陽行周林綿乾等會飲綿乾醉後

有謔言君苗投孟憤悲曰男子患不能立志霄漢非有

局鑄曰侯出處豈必常耶噉酒而去入終南山讀書三

年出就舉登第常作江南春三首詞甚綺麗

周匡物字幾本元和十二年進士也

蔚按通志作十一年進士初匡

物家貧徒步應舉至錢塘江求渡船人不利之匡物乃

題詩江亭曰萬里茫茫天塹遥秦皇底事不安橋錢塘

江口無錢過又阻西陵兩信潮太守出見其詩曰此才

子也乃召津吏罪之其後終唐之世天下津渡不取選

人錢由匡物始

蔚按漳州府志唐自嗣聖開漳百三十餘年登進士自匡物始匡物讀書天城

山上嘉賞其人勅改其山爲名第山因號名第先生

歐陽衮字希周

蔚按周通志作甫

閩縣人以應舉游長安數射

策不中與項斯爲詩相賞愛名與斯等衮至寶歷元年

乃中爲監察御史二子琳玘皆登進士復中宏詞以詩

賦世其家

王魯復字夢周連江人以善詩寶歷閒

蔚按通志作大歷貞元閒仕

爲邕府從事魯復聞睦州皇甫湜有重名其人能文章

足爲借譽也身往請之湜不時見魯復魯復移書責之

曰韓文公接賢樂善孳孳不倦公師其文安可不師其道乎自此携酒弔文公之墓不過公所矣湜遽謝魯復與語語日移不厭於是徧贊賓客王生天下賢士也吾不如魯復居恒草衣騎牛而過市中旁若無人者嘗聞臺省有疑獄乃自言宰相願往鞠之宰相大驚目攝之也

林滋字厚象

蔚按通志厚作原

鄭誠字申虞詹雄字伯鎮皆閩

縣人也當文宗武宗時閩中蓋稱有三絕云滋以賦誠以文雄以詩皆曠絕一時名顯天下者也會昌初滋與

誠皆舉進士獨雄以布衣終其後宣宗時閩縣連總僖
宗時侯官倪曙昭宗時連江張榮亦以賦著懿宗時閩
縣薛承裕福清王棨僖宗時陳蜀昭宗時林衮以詩著
懿宗時候官陳鏞以文著陳鏞文類西京也此八人者
皆舉進士

陳嘏字錫之晉江人

蔚按閩書作惠安人

舉開成三年進士宣宗

時嘏爲刑部郎中帝讀其霓裳羽衣曲賦而善之安得
此琬琰器哉其辭曰我立宗心崇至道化叶無爲制神
仙之妙曲作歌舞之新規被以衣裳盡法上清之物序

其行綴乃從中禁而施原夫采金石之清音象蓬壺之
勝槩俾樂工以交太儼彩童而相對漓灑合節初聞六
律之和搖曳動容宛似羣仙之態爾其絳節廻互霞袂
飄颻或眴睐以不動或輕盈而欲翔八風韻肅清音思
長引洞雲於丹墀之下颯天風於紫殿之旁懿乎樂洽
人和曲含仙意雜管絃之繁節澹君臣之立思清淒滿
耳無非冲漠之音颯沓盈庭盡是雲霄之事吾君所以
凝清慮慕立風無更舊山川纂成功既心將道合乃樂
與仙同說康平於有截延聖壽於無窮美矣哉調則冲

虛音惟雅正于以增逍遙之境于以暢恬和之性遂使
信以廉平人無紛競是天地之所合致朝廷之清淨小
臣忭而歌曰聖功成兮至樂修大道叶兮皇風流願揣
侔於竹帛贊立化於鴻休帝既善嘏作賦遂有意欲大
用之會嘏卒爲之憮然

盛均字之才永春人舉大中進士均才辯口於書無所
不覽舍人皇甫煥辯博自雄者也每延賓發難屈者輒
引去均造之酬答如響言無反者煥愕然遂與投分語
數日不厭恨相知晚也均嘗病白氏六帖疏畧廣至十

二帖仕終昭州刺史其所著書盛富多軼不傳傳者真龍對孔子不厭聘解數篇

林嵩字降神福寧州人嵩工於作賦其辭宏麗侈靡然其要歸於規風乾符閒登進士授秘書省正字會黃巢起天下多故嵩遂東歸觀察使李晦重其爲人辟爲幕官累遷金州刺史有賦一卷見唐書藝文志

黃岳寧德人博立典籍尤深於易象太極歷數之學以鄉貢升入太學歸於家乾符中黃巢亂海內士大夫多避地入閩岳旣名爲文士諸士大夫爲文者皆歸岳岳

誠門下客至無貴賤無留門者皆善遇之爲客卜居處
供億其親戚及王審知節度威武軍累辟不赴唐亡梁
太祖封審知爲閩王審知遣騎士强起之去去樓雲潭
遂投死潭中岳妻林氏聞之於邑嘆曰吾夫義不事二
姓不難爲魚鱉餌吾豈可復踐其土乎吾死晚矣亦投
淵而死

黃璞字德溫侯官人璞少善詩歌其所爲詩歌一時藩
鎮皆傳誦之璞以大順中登進士第官至崇文館校書
郎當此之時王室治多邪天下多畔之於是璞乃移病

歸未幾黃巢寇閩至建州軍中謠曰逢儒則辱師必覆
及兵南下過璞家巢以璞儒者先有軍中謠遂令軍士
亡燬其居璞得免於難璞所著有霧居子按霧居子一卷
川名士傳及文集二十八卷從弟滔後乃與滔俱徙莆
今兩郡俱有黃巷俱以璞故

滔字文江與從兄璞由侯官徙莆居於東里稱東黃滔
舉乾寧二年進士爲監察御史裏行充威武軍節度推
官是時王審知爲制度使據有全閩而終其身不敢有
加於天子者滔規正有力焉滔之爲推官也值海內雲

擾名亡之亡走閩者皆主滔及福安王岳滔皆授館館之爲設儲侍未嘗恩賓於是詩人韓偓羅隱崔道融趙觀文輩皆與滔交稱滔文章爲閩初祖云滔有集十五卷

滔嘗選閩古今人詩三十卷號曰閩山秀句

集

蔚按莆田縣志莆風清
韻集俱作吳山秀句集

見唐書藝文志

鄒良士字君夢一名昌士仙遊人也景福中獻詩五百

篇於昭宗授四門博士遷御史中丞居頃之滯憲白巖

有白巖集十卷

蔚按仙遊縣志良士著
有白巖詩文集壘集

是時邑人陳乘

以乾寧中爲秘書郎亦自免居里中與良士及王延

彬徐寅相倡和爲詩

沈崧閩縣人乾寧初登進士因歸省過臨安錢鏐先聞

其名遂留爲鎮海軍掌書記奏授兵部尙書及元瓘卽

位拜丞相卒有集二十卷

蔚按沈崧著錢金集二十卷

是時長樂有

卓雲者亦以乾寧中登進士有詞賦名與崧善

蔚按增訂吳越

備史註沈崧字吉甫閩人也祖輅大理評事賜緋父超福州長溪縣令崧初生時有大蛇墜床前引首視之久而方去既七日將浴忽風雨震壞浴盆乾寧二年刑部尙書崔凝主禮闈凡二十五人登進士第渝濫尤眾昭宗御武德殿命翰林學士陸扆秘書監馮涯親覆試凡落十人是日崧再以章奏捷尋歸寧途由淮甸淮帥辟之不就遂歸武肅肅歷鎮海軍掌書記授浙西營田副使奏授秘書監檢校兵部尙書右僕射凡書檄表奏多崧

所出莊宗卽位改元同光武肅王問其祚修短崧曰觀此號爲國不成止一口耳文穆王襲位置擇能院以選士俾崧主之國建拜崧丞相終年七十六諡文獻蔚按閩書崧乾甯三年丙辰狀元

徐寅字昭夢莆田人其學博通經史而長於作賦乾寧元年省試斬蛇劍賦省中諸生無不稱徐生才高於是寅遂登第爲秘書省正字天復閒寅游於梁其歲上封未溫爲梁王溫召見寅適天無雲而雨溫乃索詩於寅寅卽應聲曰若教陰朗都相似爭表梁王造化功溫大喜人爲上客具酒請寅酒旣酣寅語次觸溫諱得過於溫先是溫屢稱夢見韓信授以兵法又與李克用爲

血讎寅因前過遂作游大梁賦以獻溫讀之至千年漢
將感精魄以神交一眼胡奴望英風而膽落不覺洒然
命軍中盡誦之一字酬以一縑不過寅也寅已出吐其
舌嘆曰吾幾不脫於虎口迺去之歸閩居於郡之延壽
溪落落不得志有詩曰賦就神都振大名勦蛇功與樂
天爭如今延壽溪邊住終日無人問一聲居無何泉州
刺史王延彬以禮招寅一見如布衣交日會諸名士以
詩酒相娛樂久之辭歸有詩賦探龍集行於世正字著
有探龍釣磯二集蘭咳詩話昭夢登第後值中原多故
歸依王審知後禮貌稍衰嘆曰丈尺之水前陂後堰安

林謂閩縣人也博聞強記而喜著書以爲閩雖興於文而未有述往之事是以遺踪缺焉於是訪搜舊聞編列山川而論之凡十卷世傳之曰閩中記而後作者嗣起自唐以前不可得而志唐以來乃頗詳可述焉皆謂發之也

王肱者晉江人肱之文好譏刺當世以是累舉不第有古詩一百三十首辭多悽惋

論曰黃滔作閩山秀句集選閩人詩至三十卷夥矣今百家所載自唐天祐而上財二十餘人而其所撰

著又不數見滔兄璞著閩川名士傳閩縣林誥著閩中記皆不獨傳聞見於他書後世學者難言之余過福安求問其所謂廉村廉溪具在而長老或不即有薛令之余悲之故論次唐文士著之編由唐而上悠邈莫可考然六朝時顧野王有建安地記人物具焉記雖缺其目可知也閩豈非薦紳先生之林而世禪儒業者哉

陳黯字希孺其先潁川人黃巢之亂黯奔閩隱於同安之嘉禾與讀書終其身其文有辨謀等篇語具唐文粹

有裨正書三卷凡四十九篇朱熹爲邑主簿時得於其家序而傳之

韓偓字致堯京兆萬年人也當昭宗時偓爲翰林院學士朱全忠怒偓之薄已將殺之得鄭元規居閒乃解累貶鄧州司馬天祐初復召以爲學士偓恐遂不敢入朝挈其族南依王審知梁乾化末卒於南安有內庭集金鑾密記香奩諸集行於世

蔚按十國春秋偓卒於南安龍興寺葬葵山之麓

周朴字太朴本吳興人也唐季裸身避地如閩居於烏石山僧舍每食時携巾盂從諸僧寄食竟食而退匡坐

一室兀如也郡中富人有詣寺施錢者朴亦丐錢一以爲茶藥費富人或羸奉錢二三卽辭謝弗肯受以此僧亦數爲朴具食不思苦朴朴好奇僻之爲詩每輕行深念愴恍若狂易然一日遇負薪者忽持之而噪曰我得之矣負薪者大駭反走遂爲賊捕掾所執以爲偷也朴徐往告之曰吾賦古墓詩適見樵者而得子孫何處閒爲客松栢被人伐作薪之句耳賊捕掾乃釋負薪者一市人皆笑朴嘗自譽其詩禹力不到處河聲流向西客有戲朴者佯爲不識朴而誦曰河聲流向東因策馬而

去朴踣躅追之至數十里挽其銜勒而告曰向所誦非
向東也乃向西而誤耳及黃巢至問求得朴欲刼從之
朴曰我尙不事天子焉能從賊巢殺之無血有白乳噴
起高尺餘蔚按周太朴詩一卷爲明徐興公所編道光
戊戌青邱弟與黃肯巖讀書烏石紅雨山房
於原刻本之外增詩二首益以散句詩話復付剗刪後
予得于麓鄭少叅述天開圖畫樓地遂設太朴少叅興
公三主祀於前堂先是朴與僧懶安爲禪悅之友懶安聞巢至
卽坐蛻去已入塔矣巢發而砍之亦有白乳噴起高倍
於朴

論曰常宋咸淳之世建安蓋有顧野王坊云野王年

十二居建安其後事梁事陳亡後於閩者例不得錄
周朴卽亡後乎歸骨於閩則閩人耳若虞寄孔仲良
輩非不稱儒者家閩然不少見其文辭不敢列之文
苑

東越文苑卷之一終

東越文苑卷之二

明侯官陳鳴鶴汝翔輯誤

閩縣趙世顯仁甫訂正

邑後學郭柏蔚增訂

五代東越文苑列傳第二

林鼎閩縣人也父無隱以工詩名於時寓居明州之慈

溪鼎從焉鼎善屬文能書事吳越爲丞相有文集數十

卷

蔚按鼎文集二十卷

是時古田有余瓘事南唐爲左拾遺有拾

遺集亦寓居於南劍之將樂

蔚按瓘字渙文閩人也父無隱鼎

生於明州大隱邨初刺史黃晟頗好禮士無隱依之有詩名嘗爲詩云雪消二月江湖闊花發千山道路香知言者以無隱必有貴子鼎初謁武肅以爲觀察押衙推尋爲文穆王幕府文穆王以其才行累薦不見用一日復密薦之武肅王曰我觀林鼎骨法真輔相器然我不貴者欲汝貴之庶其盡心於汝也文穆襲國署鎮海軍掌書記節度判官鼎性讜正而強記能書歐虞法比及中年夜讀書必達曙所取圖書悉由手抄其殘編蠹簡亦手綴之無或厭倦國建乃掌教令尋拜丞相每政事有不逮者鼎必極言之天福中建州之役鼎指陳天文人事累疏切諫及師行果不利有著文集行於世終年五十四諡曰貞獻

江文蔚字君章建陽人後唐長興中進士也事南唐爲翰林院學士與徐鉉同掌詞命文蔚工於文賦有唐吳英秀賦七十二卷桂香賦集三十卷

陳貺閩縣人好爲泉石之游而惡與世俗伍貺游於廬山而樂之遂結茅而居三十餘年遠近聞之皆往就貺學詩爲門人貺固長於聲調者也門人有吏於南唐者乃聞師貺於南唐主於是南唐主李景使使備安車迎貺貺不得已至金陵衣其故布裘見景不拜長揖之進止閒雅左右觀者皆嘆以爲大儒貺固求還山自是遂隱閉終身不受徒爲詩矣

江爲建陽人少游廬山學詩於處士陳貺蓋居白鹿洞者二十年貺自金陵歸常亡匿隱於邃谷不外交惟爲

往常得貶與深談爲詩爲之名與江文蔚楊徽之相埒也爲有詩一卷

陳致雍莆田人事閩爲太常卿事南唐以習禮及第爲禮官及歸宋事太祖爲秘書監致雍更三主皆無所知名不能用其說乃遂去而歸復事陳洪進爲書記撰海物異名記閩王列傳五禮儀鑑其後好事者編其在南唐時論議爲曲臺奏議

鍾謨字仲益自會稽徙居崇安者也

蔚按談苑作建安人

謨爲人

慧有口博識工文仕南唐爲禮部侍郎顯德中周師征

淮南唐主遣謨及李德明請成世宗不許因遣德明還報而留謨明年乃遣又明年唐主遣其子入貢於周鍾謨從世宗雅聞謨能詩因令賦詩謨賦詩有歸去老陪臣之語唐主聞之大怒以爲謨辱國及謨歸唐主心怒謨以他事貶謨國子司業流饒州殺之

陳陶字嵩伯劍浦人家世業儒性沉敏博學善屬文聲詩尤精於厯象南唐李昇時携家詣昇至洪州聞宋齊丘秉政自度不能合乃止不赴因築室西山日以詩酒自娛李景保大末有星孛於參芒東南指陶語人曰國

其幾亡乎未幾果失淮南景南遷豫章至落星灣將訪
以天象恐陶不肯盡言以其嗜鮓乃使人僞往賣鮓至
門陶果出啗鮓喜甚賣鮓者曰官舟至落星矣處士知
之乎陶笑曰星落不還景聞之不懌遂不復問是歲果
卒西山饒有靈藥陶與妻斲而餌焉久之忽變姓名徙
去宋開寶中南昌市有老翁了結被褐與嫗賣藥得錢
則沽酒市鮓相對飲啗既醉歌舞道上其歌曰藍采和
塵世紛紛事更多何如賣藥沽美酒歸去青崖拍手歌
或疑爲陶夫婦云

論曰五代五十餘年自林鼎而下六人皆以羈旅飛
譽家食者未有稱焉豈非易其所素習者耶揚子雲
作太立張伯松與之併肩不肯一觀有以也鍾謨遭
暴主以詩賈禍悲夫

東越文苑卷之二終

東越文苑

卷二

東越文苑卷之三

明侯官陳鳴鶴汝翔輯譔

趙世顯仁甫訂正

邑後學郭柏蔚增訂

宋東越文苑列傳第三

朱文公熹字元晦生於延平之尤溪其先婺源人也父松以政和中進士爲尤溪尉而生文公後乃家於建州著籍焉熹述仲尼之意以表章六藝其本師自二程先生二程先生教將樂楊時楊時教沙縣羅從彥羅從彥

教劔浦李侗李侗教朱熹蓋黃士毅稱曰孔孟之道至周程而復明至文公而大明也程朱以理學爲宗而證之於六經語孟其爲訓固不可勝道世多有之不具論論其旁學則文公有楚詞集註辯異韓文考異及文集一百五十卷二程先生之弟子居閩者以十數其著書則有侯官林之奇道山記聞崇安胡安國文集十五卷通鑑舉要補遺一百卷胡寅讀史管見胡宏詩文五卷皇王太紀八十卷劉子翬屏山文集二十卷蔚按池北偶談云劉屏山子翬朱文公師也其屏山集詩往往多禪語先生常語文公曰吾少官莆田以疾病時接佛老之徒聞其

所謂清淨寂滅者而心悅之比歸讀儒書而後知吾道之大其體用之全乃如此故文公講學初亦由禪入

沙縣陳淵默堂集三十卷邵武何鎬臺溪集若干卷文

公之弟子以百數其著書有候官陳孔碩北山集

蔚按北山

集畧十卷

古田林用中草堂集林夔孫蒙谷集永福林學蒙

梅塢集建陽蔡元定律呂新書燕樂原辯皇極經世太

立潛虛指要八陣圖說劉燭雪莊外藁真德秀西山甲

乙藁對越甲乙集翰林詞草龍溪陳淳文集五十卷順

昌廖德明槎溪集莆田陳宓贅癭集光澤劉剛中西漢

奇語長溪楊楫悅堂文集孫調策府五十卷浩齊稿三

卷福安張泳墨莊文集已上諸公各著書言人人殊其人約皆推明仁義性命之旨此所謂有道之文也所由殆與畫脂鏤冰者異矣

余偶字古之古田人學於文公與林用中齊名所著有克齋文集

程若中字熙之古田人若中爲學躬行無僞子孫在側雖盛暑必冠肅然有槃澗集

劉砥長樂人大父嘉譽父世南皆以儒學重砥生六歲日誦千言十歲通九經傳記嫻於詞賦初嘗讀釋老書

弗善也去而治舉子業頌之又不得治乃徧取伊洛諸
儒書讀之大喜遂與弟礪卒業於文公之門年四十五
卒其文醇雅宏博詩頗劣於文

江默字德公崇安人文公之弟子也默爲人無所嗜好
而獨喜詩書作綱集三十六卷以述本朝典章傳於世
蔚按尙友錄江默字德功乾道中第進士後知建甯縣
卒於官邑民祠祀之著綱集三十六卷易訓解四書訓
詁六卷

祝穆少名丙建安人其先歙人也父康國從朱文公遷
焉穆博涉羣書而瞻於文作事文類聚方輿勝覽凡百

餘卷穆與弟癸皆事文公於邑之雲谷

王遇龍溪人始嘗受業於張栻呂祖謙而卒裁之於文

公遇以乾道五年甲科爲常州守遷右司郎中所著有

兩漢博議及文集數卷

蔚按漳州府志王遇字子合一

至介然自守招之不來臧之不動朱晦庵稱其純篤呂東萊與其篤實黃幹狀其行誥學識之精義利之明超然于流俗之中不以一毫私意累其心云

所著有論孟講義及兩漢博議藏于家

蘇思恭字欽父晉江人當思恭時文公已卒聞龍溪陳

淳習其學

蔚按漳州府志陳淳字安卿居北溪故稱北溪先生有集五十卷

國朝雍正三年奉

勅從祀孔

乃往受之嘉定中登第爲興化軍教授有省

齋文藁有曲江志

李鑑字汝明甯德人嘗從黃幹爲弟子而得敬義之旨歸而創六經講社以推明之所著有鳴和集

論曰學者多陋宋文其稱手宋人之陳編輒自引竊也太過文公亡論吾觀蔡元定所著書微妙深遠雖屈宋曹劉未必究其義劉砥十歲通九經何遽不能子虛顧不爲耳夏裘冬葛時固然哉

林槩字端父福清人由進士事仁宗爲集賢校理槩習於典籍以爲可以鑑成敗昭是非者亡如史矣故作史

論百篇辯國語四十篇

張弼字舜元仙遊人其學閎博尤刻意於易以爲繫辭者聖人所以翼易大例寓焉世恒壅於麤狃不能發明其指意若耳食之矣乃悉屏諸家傳註獨枕經伏而讀之深觀其趣蓋三十年推易之意而爲大例百餘條其書頗與諸儒異同然其要本歸於象數非詭說也

蔚按通志

張弼著易解九卷

紹聖初丞相章惇上其書於哲宗賜號葆光

處士居三年朝奉郎林伸等百五十三人列薦弼於部使者部使者奏之上勅授福州司戶參軍充泉州教授

非其好也未赴官鬱鬱而卒

梁克家字叔子晉江人當高宗世舉進士第一乾道八年拜爲右丞相明年張說同知樞密院事說諧臣多順上旨所言皆聽克家以廉直自絀不用遂求去出知建

甯淳熙八年改知福州作三山志四十卷以續林謂之

業蔚按梁叔子三山志自序云子領郡暇日訪無諸以
陶夔始有譏記又四百五十六年至唐郡人林謂復增
爲之皆散逸無存者獨最後一百九十二年本朝慶厯
三年郡人林世程所作傳於世自言視前志頗究悉然
不過地理山川人士物產之大概衰次亦復闕略迄今
又一百三十九年興廢增改率非其故矣闕不書者十
九夫追惟往昔之事不可復記世常以爲恨至耳目所

接謂未遽泯沒則又不急於紀錄歲月因循忽莫省憶
使來者復恨之斯古今通病所爲甚惜也乃約諸里居
與任於此者相與纂集討尋斷簡援據公牘采諸長老
所傳得諸閭里所記上窮千載創建之始中閱累朝因
革之由而益之以今日之所聞見厥類惟九靡不論載
豈惟使四方知是邦於是爲盛抑鄉古者有考焉書成
爲四十卷名曰三山志據叔子自序則太守陶夔撰記
與林謂所著閩中記早已散逸無存叔子三山志蓋將
郡人林世程原本水增益成書後元致和又有三山志
世亦未見傳本今三山志卷帙多有淳熙以後三山志
錢大昕跋三山志云梁克家三山志四十卷宋史藝文
志謂之長樂志其實一書也今本作四十二卷其第三
十一續入三十二兩卷進士題名乃淳祐中福州教授朱
孫續入攷目錄本附於三題名之後但云第三十中第三
十下未嘗輒更舊志卷第九後人析爲四十二者又非
孫之舊矣志成於淳熙九年五月而府題名增至嘉
定十五年它卷閒有闌入淳祐中事者皆後人隨時
入也宋史本傳於乾道罷相以觀文殿大學士知建康

府之後卽云清熙八年起知福州據志克家於清熙六年三月以資政殿大學士宣奉大夫知福州則傳稱八年者誤志又書八年五月復觀文殿學士此卽史所載趙雄奏欲令再任降旨仍知福州事是時克家蒞任已滿二年故有再任之旨因復其職名史誤以再任之年爲初任之年則甫經到任不當云再任矣且克家於罷相時已除觀文殿大學士越數年起知福州只帶資政殿大學士又二年始復觀文殿學士仍無大字則知建康以後必有落職奉祠之事而傳皆闕之世人讀宋史者多病其繁蕪予獨病其缺略缺略之患甚於繁蕪卽有范蔚宗歐陽永叔其人繁者可省明年復拜右丞相缺者不能補也因讀此志爲之喟然

封儀國公卒謚文靖其時甌甯有葉庭珪知漳泉二州

作誨錄三十卷

尉按誨錄當作海錄庭珪聞士大夫家有異本無不借讀擇其可用者手抄之

名曰海錄卽海錄碎事也但卷數與今少異耳

東越文苑

卷三

六

熊克字子復建陽人御史大夫熊博之裔也紹興閒以進士知諸暨縣治有異等部使者芮燁行縣過之謂克曰曩知子之文其辭典可觀也今見子治行長者其有古循良之遺風乎乃表薦克於上擢克爲提轄文思院克以文獻曾覲奏之孝宗孝宗大悅遷學士院克本好書無所不讀而尤習於本朝典故學者質之無所不知身居朝列資用儉約祿賜盡於書籍筆札家亡餘財所著有中興小歷九朝通略官制新典帝王經譜等書

蔚按四朝閒見錄熊克建寧人又尙友錄云壻王克勤狀其行實曰文有顏延之鉛綜之工史有陳壽叙事之

長牧民得曹叅清靜之旨
制行適徐公通介之常

鄭樵莆田人也字漁仲讀書於夾漈山中閉室不出者
累年已讀而游名山以搜奇訪古爲事遇藏書家必借
留盡讀之乃去樵爲人耻以雕蟲采譽而善著書自六
經子史天文地理下及禽蟲草木方技之書皆有論辯
與趙鼎張浚同時莫不以漁仲爲天下賢士卽樵亦自
負不下於揚雄劉向也紹興十九年人或薦其書於高
宗高宗召見之授迪功郎禮兵二部架閣使御史葉義
問者害其能劾之改監潭州南嶽廟詔給筆札歸錄所

著通志書成乃召拜樵爲樞密院編修樵因伏謝願得入秘書省讀所未見書會忌者毀之事遂寢居數歲卒遂塲身不得窺金籙之秘矣蔚按莆田縣志鄭漁仲著咳詩話云公尙有未刻書三十餘種南泉從祖得之嘗載書渡海沈於水中七日復湧出南泉有詩紀其事亟欲開鑄行世因卷帙浩繁未果

林駟字德頌寧德人博聞彊記雖怪僻米鹽之書皆能成誦而以易薦於鄉爲高第所著有皇鑑前後集源流至論其後黃履翁者以至論未備復著別集二十卷履翁字吉甫駟邑人也其博洽雁行於駟

郭緒字天錫浦城人緒爲邵雍象數之學頗采揚雄列山易以章會統元推之作易春秋二十萬言

林光字子輝建安人乾道中登進士撰建安志二十卷時務論兵論迂論數十篇

黃公紹字直翁邵武人編輯古今音韻而附以說文號曰韻會

黃鍾字器之莆田縣人乾道中登第待次德化卽以教於其邑於是德化學者頗能涉子史以談鍾所著有荀楊續註有杜詩註有史要

蔚按仙遊縣志黃鍾號定齋性喜著述每出以筆硯典籍

自隨由三皇至五代皆作紀傳曰史要又選集唐宋諸家文曰唐宋類文詩文神閒思遠晚歲頗究心內典又作傳燈錄

余嘉字若蒙龍溪人也博學而善著書初以太學生爲惠潯二州教授進聖域記於天子旣爲浙西倉幹進皇朝職志高宗政範差監樞密院激賞庫進資時十論上書論韓侂冑進古鑑錄上書論邊事進天門類例括象志其傳於世者則有周禮解禹貢考春秋地例增釋紀年雜篇其前後上書曰代庖集骨鯁集

蔚按漳州府志余嘉尙著有五

音姓譜

王士奇字永叔福安人紹熙初以鄉薦赴省試會其弟知章爲敎授卒達州訃至卽走屬護其喪以歸凡六年而後就試旣已得官忽念母老遂乞祠當國者高其行乃與以堂除厯二十三考始注莆田法曹所著有諸經釋疑有諸史節略

高頤字元齡甯德人慶元中進士著雞窓叢覽一百五十卷子曰伯堦字汝諧著古今事類二百卷

吳棫字才老建安人其所誦習好考訂訓釋故其著書有書裨傳詩補音論語指掌考異韻補續解楚詞釋音

朱文公雅重其書稱之同里徐藏序之以其韻補叶於三百篇之音焉

林公遇字養正

蔚按府志公遇字養志祖通父瑒

福清人與弟養直皆

以孝謹著聲於閩公遇以任子補甯化尉義不忍舍其父朝夕養遂乞奉祠南嶽及父喪除服累詔徵之不起最後詔下福州給公遇筆劄令條其所欲言公遇謝曰義無可取拙不能言第願瞑目得爲山林之民足矣天子重違其意乃改公遇主管仙都觀久之公遇卒學者私謚曰文隱所著有石塘閒話有求心錄

書隱先生者鳴鶴之四世祖懷安人也姓陳氏諱嘉言字曰帝俞性喜讀書當其得意時雷擊柱而不知摩研編削至盥頰俱廢時人莫之許也咸淳七年有詔徵文學士先生因至闕下與所徵儒士各對策先生所言十事其一乞援襄陽以爲襄陽者東南之障也失襄陽則舟師可以自漢浮江而下而東南危矣自史天澤行省事於峴山今又築萬山以斷其西立柵觀子灘以斷其東而襄樊之道益絕不亟救之勢且幅裂是時對策者百餘人先生第居異等先是帝問襄陽之事於賈似道

似道曰北兵已偃草退矣及先生策奏似道大怒以爲下愚斥居乙榜授建州司戶待次十年不得省錄先生乃以五經教授建州弟子恒以百數各以其所治質問先生隨方教之未嘗不發其所未聞自是之後其旁郡士以博洽稱者皆陳先生之弟子也及景炎丙子元師入建州先生遂歸福州築書隱堂於斗門山聚書數萬卷誦習之謝絕弟子弗授然弟子至者日益眾雖莫見其面而所居成市號曰陳店先生度終無以謝客乃出而佯爲欲仕者往來於庠序之間爲譎言以自穢先所

著有書隱子三卷其言本於大雄氏欽天考二十卷言章部紀元氣朔之事至是盡壁藏之不敢出蓋至卒不敢以修學著書爲務矣先生閒亦爲詩微近於晚唐然不專治以故多棄不收子億翁亦以博學聞而埋於民所著有六朝史通六十卷

葉子儀侯官人陳祥道閩清人李琪連江人黃邦俊永福人林希逸陳藻皆福清人皆紛綸其學習於纂著者也故子儀著易立神契絳毫集祥道著禮書其弟賜著樂書琪著春秋王霸世紀邦俊著真陽共理集胥訓告

文纂韻譜強記集

蔚按真陽共理集二卷胥訓告文三卷纂韻譜六卷

希逸著老

莊列三子口義考工記解

蔚按居易錄林希逸為艾軒理學嫡派著有庸齋全集老

莊列三子口義

又志載希逸字肅翁著有易講春秋正附篇老莊列口義考工記解竹溪十一稿行於世藻

著莊子杜詩解

蔚按陳藻字元潔府志藻著有語孟莊子杜詩解並詩集學者稱樂軒先生

陳思謙字退之龍溪人以該博教於漳泉之閒著春秋

三傳會同及列國類編朱文公以為善語其門人李唐

容妻以女也

蔡蒙叟字素臣閩縣人也其為學喜揚推今古歷千載

若指之掌性刻廉恥於干進隱居教授弟子從遠方至

者門常滿郡守李欣薦之授本州助教所著繩子三卷

前按蒙叟號貞白子著
繩子三卷凡五十七篇

論曰揚子雲言雕蟲之技壯夫不爲觀鄭夾漈所論
譔及余嘉聖域記括象志書隱先生欽天考六合其
囊括之矣易大例易春秋周禮解禹貢考於聖經何
其宏深也辯國語考異語解又何昭晰也以是名聞
後世不亦宜乎又奚以繪章締句爲哉

楊徽之字仲猷浦城人周顯德中舉進士甲科是時登
第者十六人世宗悉召十六人以次覆試之獨徽之與

李覃何暇趙隣幾稱上旨然天下初定未遑文學之事以故徽之久困無所逢世及宋興太宗雅聞其善詩廼召徽之取其詩徽之因奏數百篇復謝以詩曰十年流落今何幸叨遇君王問姓名上覽之大悅拜爲庫部郎會詔李昉采輯先代撰著類爲文苑英華以徽之長於風雅分命編詩爲百八十卷累遷史館修撰因言上曰陛下取士之道亦已至矣然擅文章者多超遷明經業者罕殊用且京師四方之會太學首善之地五經博士並闕其員非所以崇教化獎人才由內及外之道也上

嘉納之及真宗卽位徽之日益親貴咸平中爲徽之特置翰林侍讀學士以授之賜宴秘閣褒以詩焉徽之年八十卒有集二十卷

潘慎脩字成德莆田人父承佑仕南唐李景爲刑部尙書慎脩風度醞藉博涉文史而尤習於三洞靈章開寶末從李煜弟從鎰入貢留居京師會曹彬帥師下江南捷書幅至邸吏趣從鎰入賀慎脩曰國且亡義當待罪何賀也卽奉表請罪太祖嘉之遣中使慰諭焉及煜歸朝拜慎脩太子右贊善大夫直秘閣太宗卽位聞慎脩

善奕召之入侍慎脩因作碁說以進謂碁之道在乎恬
默而取舍爲急仁則能全義則能守禮則能變智則能
兼信則能克因舉十要以明其義累遷翰林侍讀學士
有集五卷

李虛己字公受建安人父寅仕南唐爲諸司使及李煜
歸宋太祖授寅殿前承旨寅辭不拜後登進士爲衢州
司理以母老棄官歸養虛己好爲詩以進士知遂州太
宗察其治循埋賜以宸翰曰公勤潔已奉法除奸虛己
自以爲父子亡國之臣幸得以微勞見知於上爲王母

榮顯因奏詩一章以述其意上覽之大悅賜虛己五品服賜其王母錢五十緡而誤以緡爲萬也遂卽賜之初寅以孝謹聞於江南子虛己子虛舟皆孝而其家貧甚及有賜錢事江南志士聞之皆曰殆天發悟人主而報其家行也虛己旣喜爲詩與晏殊曾致堯相倡和致堯謂之曰子之詩詞雖工而音韻猶啞虛己未悟所以後得沈休文所謂前有浮聲後須切響遂精於格律有雅正集十卷

蔚按志作二十卷

余咸熙閩縣人性凝簡操履純潔當太宗時應舉不利

遂終身不出有文集十卷

鄭褱字成之惠安人太宗時以應進士舉至闕下會有
詔罷舉褱乃徒步携所業謁王禹偁於滁州禹偁視其
文淵邃精切大說之留褱且亡發褱不欲以遲歸憂其
親也禹偁乃爲褱泣而賦詩市一馬送之咸平元年褱
登進士第未受命而卒禹偁哭之哀褱有集十卷張景
稱其似韓吏部蔡襄以爲接武於歐陽詹按王元之詩見惠安縣志
錢熙字大雅泉州人蔚按閩書作南安人陳洪進嘉其才妻以其
弟之子署熙府職熙辭不受著楚鴈賦以謝之尋復辟

爲巡官專掌牋奏及洪進歸朝熙以雍熙初登甲科寇
準與語奇之因言上得試中書遷殿中丞則緋魚是時
荆蠻酋龍漢挽入貢熙因著四夷來王賦以獻凡萬
餘言帝大悅卽以熙本官直史館真宗卽位遷右司諫
熙爲人任氣自喜然好學精於筆札有集十卷

鄭文寶字伯玉

蔚按文寶字仲賢

甯化人舉太平興國中進士

爲殿中丞使於蜀均川峽商稅歸至渝涪聞夔州戍卒
爲亂卽乘舸順流而下一夕數百里至夔悉禽斬之還
報上賜五品服官終工部侍郎文寶少從徐鉉學文尤

長於詩有集三十卷南唐近事二卷江表志三卷

黃鑑字仲卿浦城人當太宗時鑑舉進士郡人楊億善其文辭召置門下由是鑑遂以文辭聞於上一日有詔召館閣大臣後苑賞花是時鑑爲國史院編修官卑不當入上以鑑善文詞故特召之時人以爲寵鑑有談苑十卷

黃亢字清臣浦城人年十五自負其文念莫可致爲延譽者乃以文謁翰林學士章得象得象果以爲奇亢名遂因以起諸公皆聞之其後亢聞處士林逋負重名於

錢塘乃游錢塘與逋友善是時杭州太守奏以西湖爲放生池亢作詩數百言錢塘士大夫爭傳之也亢爲人侏儒不飾小節對人野率如不能言然嗜學疆記爲文奇偉旣卒鄉人編其文號東溪集

黃宗旦字叔才晉江人父藪當太宗初立獻皇帝受命賦於蘇易簡易簡奇之以是得召試崇政殿入仕宗旦未冠以詩名於郡中旣長謁寇準王禹偁諸名公而質其所爲文諸公咸稱之以爲閩中文士也於是宗旦以文名於京師咸平元年與邑人李慶孫同舉甲科時人

語曰國家才子黃宗旦天下文章李慶孫宗旦晚直史館有集十卷

陳絳莆田人登咸平二年進士再試賢良第一有文集十二卷子動之亦登第以文名

王言徹晉江人真宗時以進士守汾陰郡有瑯琊集

郭咸者晉江人也幼嗜學通經藝善於屬文尤精法律及草書篆隸年十九登進士有拙庵文集四卷詩一卷林陶閩縣人景德中舉詞科著元統二十卷文旨精博有文四卷軼不傳

陳襄字述古侯官人襄少時游鄉校與陳烈周希孟鄭穆爲友務於性理之學鄉人稱之曰四先生而襄居古靈山中曰古靈先生也襄登慶厯進士累遷判尙書直學士院襄居郡縣先興學校以施教導民然後求其利病而拊循之立朝則直諫無所阿避有文集行於世按蔚自警篇陳述古自始達及終身凡聞天下之賢有學行者有吏能者有道德者有忠義者其才可進之於朝以爲民庇及表則者不必識其人也必書其實以遺其所部使牧守或執政柄者未登其賢薦之不已也因之拔擢置身於亨顯而不烈希孟自有傳鄭穆者亦侯官人知其自於公者眾矣

居家教授弟子以千數元祐初爲國子祭酒請老出都

門舉朝公卿大夫及太學生送者數千人比之二疏焉

蔚按古靈集二十卷李忠定公綱序從孫知頴州輝跋子賦撰年譜一卷附集後詩六卷雜文十四卷述古熙寧中在講筵論薦司馬溫公已下三十三人皆一時賢士其公忠如此

周希孟字公闢侯官人希孟通五經而以易教於閩中弟子七百餘人前後郡守多造廬師尊之希孟南向坐授業亡所詘部使者相繼薦之天子於是天子詔賜希孟粟帛授將仕郎試國子監助教希孟力辭不就卒弟子立祠祀之有文集行於世

陳烈字季慈侯官人少以鄉薦詣闕下不中第罷歸聚

徒數百人教於閩中而不肯仕宦仙遊蔡襄以直史館
守福州稍以威嚴爲聲襄數往請烈烈自匿不肯見泛
舟以去而縣書於江畔曰溪山龍虎盤溪水鼓角喧中
宵鄉夢破六月夜衾寒風雨生殘樹蛟螭喜怒瀾殷勤
祝舟子移棹過前灘襄見其詩曰此季慈也謹受令矣
請除苛解燒卒追謝之引烈坐上坐請得而託業焉他
日具酒觴烈酒酣出女樂以佐驪須臾烈起如厠卽踰
陁而遁襄嘗以元夕出記市令令市中家燃七燈烈卽
作大燈丈餘而縣書曰富家一盞燈太倉一粒粟貧家

一盞燈父子相向哭風流太守知不知猶恨笙歌無妙

曲襄見其詩曰謹受令矣請罷燈

蔚按燃燈事三山志作劉瑾晁氏客語作

蔡君謨

當仁宗時卿大夫郡守交薦烈賢詔起烈爲本州

教授會歐陽修又言之詔召烈爲國子直講皆不拜元

祐初部使者又言之制詔部使者烈自先帝使使召之

累辭不起其賜烈以宣德郎致仕從其尙焉明年復以

烈爲本州教授烈不得已就職竟不受其廩奉烈爲人

介僻自喜篤於孝友遇童僕雖燕居不敢不洒如也鄉

里間遺一無所受家租有餘則推以周貧者無長物焉

蔚按東都事畧陳烈字季慈福州侯官人也性介特篤於孝友年十四繼失怙恃水漿不入口者五日自壯迫老享奉如事生禮寢興晦朔未嘗輟甫冠力學不羣平居端嚴終日不言雖遇僮僕如對大賓里有冠昏喪祭請而後行從學者數百人父兄有善訓其子弟者必舉烈言行以規之嘗與鄉薦黜於禮部不復踐場屋或勉之仕則曰伊尹守道成湯三聘以幣呂望持誠文王載之俱歸今天子仁聖好賢有湯文之心豈無有先覺如伊呂者乎仁宗屢詔不起或問其故則曰吾學未成自公卿大臣至鄉老里民交章論薦志不少易嘉祐中以近臣薦授州學教授

崔唐臣者閩人也與蘇子容呂晉叔同研席相善此兩人既登第唐臣遂不復應舉不知所之及兩人同入三館乘馬偕出忽見唐臣艤舟汴岸亟就謁之間所從來

蔚按避暑餘話云嘉祐中二公在館中一日忽見艤舟汴岸坐於船窓者唐臣也唐臣曰始吾

稗販江湖以自給既得百千遂以其半買此舟雖汎梗

飄蓬差愈應舉覓官時耳兩人因邀與歸不可但扣其

官居坊曲所在明日兩人自局中還各覩唐臣留刺再

訪舟次則已行矣歸翫刺字末有細書云集仙仙客問

生涯買得漁舟渡歲華蔚按尚友錄集仙仙客作集賢仙客渡作度案有黃

庭尊有酒少風波處便爲家其後踪迹遂絕

王回字深甫侯官人少好讀書善於文敦行孝友造次

必稽之古人而不宿譽嘉祐二年登進士爲衛貞簿病

免居於潁州治平中用爲忠武軍節度推官命下而卒
友人常秩輯回文數卷奏之天子天子善之詔補回子
汾郊社齋郎回嘗稱曰所貴於友者爲相振以義亡令
納於邪也不然者爲面交乃作告友文欲以聞其過其
論甚粹世多傳之蔚按東都事略王回字深父福州侯
稽孔孟所爲而不爲小廉曲謹以求名譽直平恕造次必
士中第爲衛真簿於事有所不合稱病自免久之不肯
仕在廷多薦之者命知南頓縣會卒年四十二有文集
二十卷回經術粹深王安石曾鞏與爲深交而當時之
儒林不能過也二弟向同同字容季亦有文名善序
事蔚按王深甫文集曾子固爲
之序其弟同有文集十卷

向字子直爲文亦長於序事嘗有口過後悔之乃作公
默先生傳託公議先生與弟子任意相問答其末云先
生之行已視世人所不逮何等也曾未得稱高世而詆
訶蜂起幾不得與妄庸人伍者良以口禍也先生能不
好議而好默是非不及口而心存焉何疾於不容此策
之最下者也先生能用之乎公議先生喟然嘆曰吁吾
用爾下策也任意乃大咲顧其徒曰宜吾先生之病於
世也請去公議爲公默先生

蔚按王向嘉祐二年進士

蔡襄字君謨仙遊農家子也天聖八年舉進士爲開封

府第一景祐三年襄爲館閣校勘當此時范仲淹以言
事忤丞相呂夷簡落職知饒州集賢校理余靖諫上曰
陛下自親政以來屢逐言事者恐箝天下之口於是落
職知筠州酒稅館閣校理尹洙請與仲淹同貶斥監處
州酒稅司諫高若訥知上貴幸丞相遂莫敢言校理歐
陽脩移書責之若訥怒上其書脩貶夷陵令於是襄乃
作四賢一不肖詩詩成都下爭傳寫之鬻書者手腕幾
脫會契丹使者至亦購數十本以歸於是襄之名聞於
夷狄襄數好切諫不肯從諛承意以阿主取容久之求

知福州以便養母襄之知福州也以經術傳授學者常數百人師尊處士陳烈平交陳襄鄭穆福州大治襄爲文章清適粹美而詩凜然有生意尤工於書畫頗自惜不妄與人故其殘箋斷簡人悉珍藏之而仁宗最爲賞愛嘗御製元舅隴西王碑文詔襄書之其後命學士撰溫成皇后碑文又詔襄書襄則辭不肯書曰此待詔職也官終端明殿學士禮部侍郎卒諡忠惠所著詩文三十六卷軼不傳尉按蔡忠惠集經王十朋手編爲卷三十六前明屢經刊刻未知出自何手卷數多與十朋所編不合究不得謂其軼而不傳也惟荔枝譜貢茶錄行於世

柳永字耆鄉一名三變崇安人以景祐中舉進士累官屯田員外郎永工於詞尤擅樂府仁宗時人有言其賢者仁宗曰永文士耳而質少難以仕宦遂不用永以此困不得意乃益著書永有兄三復三接皆工文號曰柳氏三絕

謝伯景字景山

蔚按六一詩話謝伯初字景山

晉江人其母儒家女也

好讀書通經以故伯景與女弟希孟皆善詩文伯景以詩與歐陽脩相善脩稱之曰謝景山佳句無媿唐人而女弟亦隱約深厚蓋有古淑女之風焉伯景天聖二年

進士爲許州法曹

三百五十二字

王伯起者福清人高祖仁續唐末隱君子也王審知爲節度使遣使謁聘數反不起審知乃欲要刼之仁續遂逃於龍山終身不出伯起博通墳素學爲古文辭以閩絕郡莫足學者乃入汴京受經於王安石學文於曾鞏二公稱之不絕口伯起以此名聲籍盛於是樞密使曾孝寬乃言上授伯起國子監簿伯起力辭不就遽歸閩隱居學者稱爲西室先生也

熊知至建陽人博學工詩天聖中五舉不第遂隱於鰲

峯有鰲峯隱人集三卷皆祖晚唐

張伯玉建安人嘉祐初以進士舉書判拔萃科爲御史出知太平州是時曾鞏爲司戶鞏素以文名天下莫能當伯玉請鞏作尊經閣記鞏數呈藁終不稱乃自爲之其首語曰六經閣者諸子百家皆在焉不書尊經也鞏遂嘆服以爲不如伯玉有蓬萊詩二卷

吳育字春卿建安人少奇穎博學舉進士試禮部第一中甲科寶元初育爲右正言當此之時趙元昊自立爲帝羣臣議欲擊之育曰今中國空虛民大困貧苦兵矣

元昊竊乘黃屋左纛稱制已定勢必不能自削且非有
備不敢舉事不如引國初江南故事稍易其名可順拊
而收之也帝不聽遂擊之久之無功卒如育議封元昊
夏國主育之策事中機宜皆此類慶厯五年拜樞密副
使參知政事奏定太常新禮慶厯祀儀育嘗與宰相賈
昌朝論議爭上前育不能屈乃請曰臣所辯者職也顧
力不勝願罷臣職未幾出知許州尋以資政殿學士尙
書左丞知河南府卒諡正肅有文集五十卷

石亘謝履皆泉州人同登嘉祐中進士亘有文集十卷

履有雙峯詩集

羅畸字疇老沙縣人熙寧九年進士調福州司理坐忤使者歸紹聖初設詞科畸首中選爲太常博士上知畸秀才命作奠獻樂歌二十餘章崇寧中辟雍成有詔命詞臣賦詩頌擢畸頌爲第一進官一等以右文殿修撰出知廬州所著有文海百餘卷道山集三十卷秘閣錄四十卷蓬山志五卷洞霄錄十卷

勅按羅畸曾知福州著有講義五卷

鄧甯字仲吉沙縣人熙寧六年進士有七峯集十卷

上官均字彥衡邵武人熙寧三年對策大廷知制誥李

大臨直史館蘇軾擢均策爲第一策奏王安石惡其語有害新法遂居第二均好切諫其言悻悻不以權貴避回以故累居臺諫軾斥外不得久居中任職然上亦以此賢之軾斥軾起徽宗初以龍圖閣侍制知永興軍旣而以元祐黨廢居淮南二十年有廣陵文集五十卷均爲文簡古晚年詩益閒放比於陶謝

廖正一字明若將樂人以元豐二年進士召試館職策奏蘇軾讀之擊節嘆賞也蔡肇稱之曰汪洋之學造微瑰瑋之文絕世云正一所著有白雲集八卷

蔚按向友錄廖正一

元豐間與晁補之同榜晁與廖詩云十年山林廖居士
今隨詔書稱舉子文章宏麗學西京新有詩聲似侯喜
山谷詩云廖侯言如不出口銓量今古大如斗度越崔
張與二班古風蕭蕭筆追還東坡歎賞其策每以密雲
龍茶飲之出知常州後入元祐黨自號竹林
居士著白雲集八卷雲溪集十卷行于世

熊蕃字叔茂建陽人宗王安石之學善屬文而長於吟
咏傳世者有製茶十韻及茶錄十卷釐別茶品號爲精
當

劉煥字孟潛侯官人隱居北溪日持長竿釣溪上興至
則賦詩歌吟自喜而不以示人元祐中郡守許懋聞之
於朝煥驚曰守何以知我我豈不能韜其光乎山雲溪

鳥將移文誚我矣遂先期亡去竟不就徵子達夫亦能詩隱於北山數十年崇甯中詔舉遺逸爲温州教授人有薦達夫賢可侍從殿廷上乃召入見說之將用爲六屬達夫之仕本以代耕六屬尊貴非其本志遂自劾免復爲越州教授

劉燹字執中懷安人燹受業於胡瑗瑗稱其善治水也燹舉進士爲胸山令胸山人輯燹所以治胸山者著爲書號曰治範燹爲制置三司官屬以直諫顯爲都水丞以治水顯爲處州守以施教化顯最後爲桂州守以禁

交趾互市賈亂也又不救邕州之圍免爲庶人而名敗矣元祐初天子思熈治水功復以都水丞召熈道卒熈所著有七經中義一百七十卷明善集居陽集各三十卷

陳瓘字瑩中沙縣人元豐二年進士哲宗時楊畏倡爲紹述之說於是上乃召用熙豐諸臣盡復王安石新法是時瓘爲校書郎詆之力執政者大恨瓘出瓘通判滄州徽宗初立召爲左司諫瓘旣惡蔡京兄弟奸邪遂暴其情慝於上京等大恨未中也後二年陷瓘黨事竄於

袁州既而徙廉州彬州台州先是王安石作日錄歸過於神宗史官因之瓘乃著遵堯集二卷以明其誣門下侍郎何執中聞而恨焉乃使其黨石械知台州使捕案瓘快其意械至台逮瓘窮竟之瓘對無所屈終不能害瓘卒靖康初贈右諫議大夫諡忠肅所著有了齋集按瓘尚友錄陳瓘自號了翁著有壁記一卷兩漢議論八十卷尊堯集十二卷

閒覽正式興宗皆善詩有名

廖天覺字仲先順昌人以紹聖四年進士歷朝請大夫有魚山集十卷

按順昌縣志廖天覺勵志篤學知餘姚縣移古田教民敦孝弟力農桑民從

其化官餘姚時楊時適在會稽每語人曰
真古君子也又按尚友錄作紹興進士

何去非字正通浦城人元豐中對策論用兵之要擢爲
異等除武學教諭使校兵法七書神宗說之遷爲博士
蘇軾見其文大驚曰此今之班馬也及哲宗立軾爲翰
林學士遂進言去非哲宗詔加去非承奉郎久之以廬
州通判卒有文集二十卷備論四卷司馬講義三卷三
略講義三卷始去非少時與邑人葉常姚易俱學詩相
愛而去非獨喜兵法先幸上是歲易亦登進士有集十
卷紹聖中常登進士有集五十卷

吳駿浦城人有詩解二十卷文集十卷

楊蟠字公濟建安人舉進士而以詩聞當世歐陽脩贈之詩曰卧讀楊蟠一千首乞渠秋月與春光元祐中通判杭州與蘇軾爲詩相和蟠有集二十卷

曹輔字載德沙縣人元符三年進士爲秘書省正字是時上多徵行輔以上疏切諫編管郴州靖康初召還歷簽書樞密院事前後論疏凡百餘章卒於官贈太師福國公諡忠達所著籟鳴集十卷子綸爲度支郎有約庵詩集

章望之字表民浦城人也以世父得象任爲郎居一年
所上書萬餘言言便事不報遂移病歸游江淮閒爲客
甚困人勸之仕不應也乃北涉齊趙南汎湖湘西至汧
隴東極吳會蕩然肆志無所絀於人望之之學常喜持
論宗孟軻之言性善而排荀卿揚雄韓愈李翱之說著
救性七篇歐陽脩論魏梁爲正統望之非之著明統三
篇江南人李覲謂仁義智信樂刑政皆出於禮望之訂
其說著禮論一篇又有歌詩雜文數百篇集爲三十卷
歐陽脩韓絳吳奎劉敞之屬以爲望之長者宜任職事

盡薦之詔除望之建康軍節度判官不赴又除知烏程縣趣令受命望之遂固辭也乃以光祿寺丞致仕

王獻臣字賓虞惠安人有詩數卷稱卧龍翁集陳執中比之杜陵郡守葉庭珪謂其無以異於唐人也

謝文龍者惠安人嘗著野議十篇獻之趙鼎鼎以國士

遇之也所著有菱溪集

蔚按文龍字德翔博覽經史陳知柔銘其墓稱曰菱溪先生

徐大正字得之甌甯人

蔚按淮海集作建安人

大正嘗過嚴子陵

釣魚臺題詩曰光武初從血戰回故人長短尙論材中宵若起唐虞興未必先生戀釣臺蘇軾見之遂從大正

游定交之大正築室北山下名曰閒軒秦觀爲之記軾爲賦詩世呼大正爲北山學士

江滋字益之一字德脩崇安人以進士知長社縣是時蘇轍退居潁上戢景不肯見客顧獨戒閤者內滋謁與通甚驩滋有潁川集

林廸字吉夫莆田人登紹聖元年進士差知龍溪縣丞丞相蔡京林出也使人通意於廸廸義不知京遂托以非同族固拒之建炎中舉遺才廸列於文學所著詩文百餘卷

蔚按莆田縣志云廸操履端方鄉人推重鄭樵與魏丞書日向見宇文樞密言吉夫耆老碩德

在崇觀間仕不躡進所在以治效稱達夜窮年卷不釋手與人言終日不及世事居此邑者累年曾不訪托門寒官冷晏如也著詩文百餘卷又詠唐史爲一編皆寓褒貶之意自爲叙以示子孫云又仙遊縣志云廸少讀書香山與陳易爲忘年交長通六經工詞賦

練定浦城人紹聖初進士有青丘集二十卷

李規松溪人何述浦城人皆元豐進士規有文集十卷述有事類領要十卷廬江集十卷

廖曉字次山順昌人元符間受業太學適眉山蘇軾卒太學諸生皆會祭軾推能爲祭文者亡如曉曉爲祭文成視諸生諸生無不人人稱善得當東坡也曉以崇寧

中上書言時政黜還鄉有雲溪集十卷

楊喚字元暉浦城人崇寧中擢進士第調主鍾離簿當此之時有甘露降於中臺喚乃爲頌以獻上善之乃改喚郴州司錄及還朝復獻所著詩文二十卷上益奇其才以朝奉大夫出知蘄州卒有文集三十卷

周固字適可浦城人崇甯中釋褐累官辟雍司業有壁水集十五卷

吳激甌寧人米芾之婿也

蔚按吳激字彥高宋宰臣拭之子

激工詩而

書法俊逸以侍制知深州有東山集十卷

鄧春卿字榮伯長汀人崇寧閒有詔舉遺逸汀州太守
陳粹曰亡如榮伯矣其爲人方聞有令圖可以事天子
春卿聞之乃告粹曰臣有內病不任偶旅不可以見帝
有如徵臣臣逃之海上矣於是粹乃已久之復有詔舉
善八行者太守章清遂以春卿聞郡中士終無以易榮
伯也春卿固以疾辭終不就春卿居於南山二太守數
從車騎親數存之語未嘗不移日春卿有詩文三卷年
九十六卒

張豸字正仲浦城人登大觀進士紹興初知海陽縣豸

工駢儷之學有雙溪集二十卷松窓撫遺十二卷

翁彥約字行簡崇安人少以應詔上格言二十篇無所
遇政和中登進士第知高郵軍有文集十卷

翁挺字仕挺崇安人政和中以季父彥國恩爲宜章尉
挺雅有駿聲人多言其賢上乃召挺赴闕挺見上說以
朝廷所急上與語輒移晷然蔡京怒其不附已逐之挺
遂歸鄉里不復出有詩文二十卷李綱稱其文雄深雅
健淵源浩博詩則凌厲奮發絕去筆墨畦徑蔚按尙友錄挺號五
峯山人又按挺乃彥約之
子原本誤列於彥約之前

張翬字柔直懷安人政和閒舉進士爲小官小官奉稍薄金常生塵而翬賦詩不廢然每聞令下有不便者輒抵几咆哮或伏而悲嘆者累日宣和元年丞相蔡京以名延翬傳其子孫人或謂翬必毋往翬指其掌謂之曰子試岐吾掌其人曰掌奈何岐之翬曰固也又惡得而岐吾性者耶於是遂往往則攝弊衣冠慙然南而坐弟子再拜受業翬首可之不爲禮京子孫素尊重貴亢者也固不快翬又好謂之曰而曹嘗學走乎諸生曰何謂也翬曰自尊公爲政而危宗社金人旦莫至矣至則而

家爲禍始飛步善走庶免於難走猶不足而又可以媚
行乎於是諸生聽者皆愕眙以去以鬻爲病狂京聞之
矍然曰此非若所知也乃就鬻問計將安出鬻因勸以
亟引天下長者進之以開導上心羅忠義之士分布內
外以偪拊其人民京曰善乃入朝言於天子召龜山先
生楊時爲秘書郎而京父子市權如故鬻度京終無可
奈何遂自隱不復見京後七年金人逼汴都京竟竄死
家破如鬻言建炎閒鬻知南劍州進秘閣修撰卒南劍
州民立祠祀鬻也

李綱字伯紀邵武人政和二年進士爲太常少卿當徽宗之末年金使幹離不破郭藥師之軍於白河遂盡取燕川山縣上大恐計且東幸乃以皇太子爲開封牧綱因吳敏請上曰建牧之議豈非欲委太子以留守之任乎然敵勢猖獗豪傑解體願假太子位號以收將士之心祖宗疆土以死守之上以爲然遂傳位太子是爲欽宗欽宗以綱爲兵部侍郎明年幹離不旣濟河天子將奔襄鄧綱曰太上皇帝挈宗社以授陛下奈何委而去之且天下之固孰愈於都城者舍此何之也陛下不以

臣庸懦而使之治兵臣不敢辭死矣上乃以李綱爲尙書右丞兼親征行營使綱遂繕飾備利數日而畢及幹離不至汴聞城中有備欲罷去宋人不知也李邦彥乃議割地爲媾綱欲擊之帝恐甚卒聽邦彥議於是幹離不遂輕宋無去志是夜攻宣澤門綱敗之斬百餘級旣而復敗之於景陽門然帝終恐卒罷李綱以謝金人高宗卽位首召綱爲相是時國新流亡汪伯彥黃潛善勸帝幸楊州綱上言曰天下精兵健馬皆在西北一旦委中原而棄之豈惟金人乘閒以擾內地盜賊亦將蜂起

爲亂跨州連邑陛下雖欲還闕不可得矣況欲治兵勝敵以還二聖哉夫南陽光武之所興有高山峻嶺可以控扼有寬城平野可以屯兵西隣關陝可以召將士東達江淮可以運穀粟南通荆湖巴蜀可以取貨財北距王都可以遣救援暨議駐蹕乃還汴都策無出於此者今乘舟順流而適東南固甚安便第恐一失中原則東南不能必其無事雖欲退保一隅不可得也上曰善然雖許之計未決於是伯彥等日夜譖綱害其議上信之綱乃求去綱去上卒東幸兩河郡縣相繼淪沒矣綱卒

累贈太師諡忠定有易傳內篇十卷外篇十二卷詩文

百餘卷有奏議

蔚按李忠定著梁溪集

江常字少明惠安人登崇甯末進士累遷中書舍人給

事中出知福州所著有外制十卷文集二十卷

事詳福州府志

鄧肅字志宏沙縣人少美風儀善道說可聽李綱長者

行忘其年與之交倡和爲詩肅爲人以純孝稱居喪有

芝產其廬也旣壯游於大學其所與游皆賢豪天下有

名之士當是之時天下之苦於朱勔以花石媚徽宗也

莫不掩噎思亂不聊其生肅旣憂之自度不能以口舌

爭也乃作詩十一章獻之以致其區區之意冀幸上之
見悟而用事者盡害之乃放肅歸田里及欽宗卽位思
肅言召補承務郎靖康二年金人陷汴京立張邦昌爲
楚帝肅義不屈亡走行在拜爲右正言會上罷李綱肅
奏曰陛下嘗語臣李綱真以身殉國者今日罷之而責
辭甚嚴此臣所不解也執政怒其言復罷肅歸田里有
栢欄集

儲惇叙字彥倫晉江人登崇甯末進士爲龍溪丞甯德
令通判賀州皆以廉稱所著詩文號曰玉泉集

王顯世字子亦南安人以父任爲興化錄參有容安詩集十卷

陳權字巽行晉江人所著有道德經註漢唐君臣編類其詩曰朝陽集權自稱朝陽居士也

楊景申安溪人其詩文號鳳山集

吳致堯字恪文一字聖任順昌人也登政和二年進士除爲安化令以忤當路免歸因屏居衡麓自次其文號曰歸愚集致堯工於詩嘗作調友十章都下爭傳之遂達於禁中

邵景之古田人季父清元祐閒爲太學生築室於先塋之側聚書千餘卷徜徉其閒以故景之與清子整得徧讀之景之舉進士所著有玉坡集整教弟子常百餘人

東越文苑卷之三終